

Вольбы
до Народной рады Словенської республіки

Інформації про воліча

I

Датум і час волеб

Вольбы до Народной рады Словенської республіки будуть в суботу 5. марца 2016 од 7:00 до 22:00 години.

II

Право волити

Право волити до Народной рады Словенської республіки мають обчан Словенської республіки, котрый найпізніше в день волеб досяг 18 років віку і не настав у нього конфлікт з правом волити.

Конфліктом з правом волити є:

- законне окліщення особной слободы впливаюче з охрани верейного здравя,
- заарештованя за барз важный злочін,
- однятя способности робити правны діла.

III

Право быти воленым

За посланця Народной рады Словенської республіки може быти zvolenый обчан Словенської республіки, котрый найпізніше в день волеб досяг 21 років віку і живе на території Словенської республіки.

Конфліктом з правом быти воленым є:

- заарештованя,
- правоплатне одсудження за напланований кримінальний чін, помы одсудження не было заглажене,
- однятя способности робити правны діла.

IV

Способ вольбы

Воліч може волити на території Словенської республіки:

- у волебнім раєні, в списку котрого є записаний, або
- в будькотрім волебнім раєні посередництвом легітимації на голосованя.

Воліч може волити мімо території Словенської республіки посередництвом пошты, кідь:

- місце його стабільного бываня не є на території Словенської республіки і був на основі жадости записаний до шпеціального списку волічів,
- місце його стабільного бываня є на території Словенської республіки а в часі волеб ся стримує мімо ей території і право волити посередництвом пошты пожадать од села/міста, в котрім стабільно бывать.

V

Легітімація на голосованя

Воліч, котрый стабільно быває на території Словенської республіки і в день волеб не буде мочи волити в місті свого стабільного биваня у волебнім раёні, де є записаний в списку волічів, може пожадати **од села/міста свого стабільного биваня** легітімацію на голосованя. Село/місто на пожаданя волічови выставить легітімацію на голосованя і вычаркне го зо списку волічів з позначков, же му выдало легітімацію на голосованя.

Легітімація на голосованя дає право на запис до списку волічів у будькотрім волебнім раёні.

Воліч може пожадати легітімацію на голосованя:

особно,

найпізніше в послідній робітний день перед вольбами (т. є. напізніше 4.3.2016) в урядных годинах села.

Село выдасть легітімацію на голосованя безодкладно,

у формі листины так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 15.2.2016),

електронічнов поштов (і-мейлом) так,

жебы жадость о выданя легітімації на голосованя была доручена селу/місту найпізніше 15 робітных днів перед днём волеб (т. є. найпізніше 15.2.2016). Село/місто про такы припады опублікує на своїм вебсайті електронічну адресу на посыланя жадостей. Кідь село/місто не має свій вебсайт, опублікує електронічну адресу на посыланя жадостей на урядній таблі села/міста.

В жадости мусяць быти уведжены такы факты о волічови:

- мено і призвіско,
- родне чісло,
- штатне обчанство,
- адреса стабільного биваня (село/місто, уліця, чісло дому),
- адреса, на котру село/місто зажене легітімацію на голосованя.

посередництвом особы, уповномоченой жадателём

мож пожадати легітімацію на голосованя найпізніше послідній день перед днём волеб (т. є. найпізніше 4.3.2016)

В жадости мусяць быти уведжены такы факты о волічови:

- мено і призвіско,
- родне чісло,
- штатне обчанство,
- адреса стабільного биваня (село/місто, уліця, чісло дому).

Село/місто зажене легітімацію на голосованя волічови на адресу стабільного биваня, кідь в жадости не уведе іншу корешпонденчну адресу, найпізніше до трёх робітных днів од доручіня жадости. Село/місто зажене легітімацію на голосованя на адресу уведжену в жадости рекомандо-писмом „*До властных рук*“.

Кідь воліч в писомній або електронічній жадости уведе, же легітімацію на голосованя перебере інша особа, мусить в жадости увести ей мено, призвіско і чісло обчанської легітімації. Тота особа повинна перевзятя легітімації на голосованя потвердити своїм підписом.

VI

Вольба посередництвом пошти

Воліч, котрый має місце стабільного биваня на території Словенської республіки а в часі волеб є мімо ей території

Воліч, котрый має місце стабільного биваня на території Словенської республіки а в часі волеб є мімо ей території, може пожадати село/місто свого стабільного биваня волити посередництвом пошти, а то

писомно (формов писма),

жебы жадость волити посередництвом пошти была доручена на адресу села/міста (сільского або міського уряду) найпізніше 50 днів перед днём волеб (т. є. найпізніше 15.1.2016).

Жадость доручена по становленім часі є неплатна.

електронічно (і-мейлом) так,

жебы жадось волити посередництвом пошти была доручена на електронічну адресу села/міста найпізніше 50 днів перед днём волеб (т. є. найпізніше 15.1.2016).

Жадость доручена по становленім часі є неплатна.

В жадости волити посередництвом пошти мусять быти уведжены такы факты о волічови:

- мено і призвіско,
- родне чісло,
- адреса стабільного биваня,
- адреса міста биваня в заграничу.

Кідь жадость обягує вшытко, што становлює закон, село/місто зажене найпізніше 35 днів перед днём волеб волічови, котрый пожадав волити посередництвом пошти, на адресу міста биваня в заграничу:

- копертку з уряднов печатков села/міста,
- листы на голосованя,
- корешпонденчну копертку (означену геслом: „VOLBA POŠTOU - ELECTION BY MAIL“ з выписанов адресов села/міста як адресата і з адресов воліча як одосылателя,
- поучіня о способі голосованя.

Позад акту голосованя (подля поучіня о способі голосованя) вложить воліч лист на голосованя до копертки з уряднов печатков села/міста і заліпить ей. Заліплєну копертку вложить до корешпонденчної копертки, котру зажене назад. Поштовне заплатить одосылатель.

До выслідку голосованя ся зарахують голосы на листах голосованя, котры были доручены селу/місту стабільного биваня воліча найпізніше в послідній робітний день перед днём волеб (т. є. найпізніше 4.3.2016).

Далшы інформації о вольбах до Народной рады Словенської республіки ся находят на вебсайті

www.minv.sk/?volby-nrsr